

# RUOŠŠALUOSSA – Mii lea dilli dál?




## RUOŠŠALUOSSA BOĐII ATLÁNTII

Ruoššaluossa lea Jaskesábi váldomeara luossašlájain buot unnimus. Dan eallingierdu lea guovttejakhkásaš: meadđenčalmmiin bohtán veajehat gorgnot gođu maŋŋá merrii ja máhcet čuovvovaš jagi johkii lassánit.

Atlántta beallái, Guoládatnjárgii ja Vilgesmerrii, ruoššaluossa lea bohtán 1950-logus, go olmmoš lea gilván dan. Dasgo

Ruoššaluosa eallingierdu lea guovttejakhkásaš, das leat leahkimin páralaš ja párahis jagiid nálit, mat eai lassán gaskaneaset. Párahis jagiid nálli lea birgen mearkkašahhti láhkai buorebut.

Suoma jogaide, Detnui ja Njávđánjohkii ruoššaluossa bohtá Norgga bealde. Ruoššaluosaid mearri lea lassánan Suoma bealde johtilit jagi 2017 rájes.



## RUOŠŠALUOSA VÁIKKUHUSAT ČÁZADAGAIDE JA EARÁ ŠLÁJAIDE

Dasgo ruoššaluosaid mearri lea lassánan sakka easka maŋjimuš jagiid, dutkojuvvon diehtu dan váikkuhusaid birra gávdno vel uhcán. Ruoššaluosa lassánan mearri dagaheazžá goittotge mánggalágan váikkuhusaid čázadagaide ja eará šlájaid: ruoššaluosa veajehat borret ollu, ja daid guliid bázahusain, mat jápmet gođu maŋŋá, bohtet čázadahkii olu bibmosat.

Dasgo Ruoššaluossa goargŋu ain eanet Suoma jogaide dušše párahis jagiid, maiddá dieđuid dan váikkuhusain oažžut dušše juohke nuppi jagi. Nuppe dáfus páralaš jagiid jogat besset vuoiŋastit, muhto

dilli soaitá rievdat, jus maiddá páralaš jagiid nálli nanosmuvvá.

Ekologalaš nuppástusa dáfus mihttolávvi lea guovddáš: stuorra jogain váikkuhusat leat dramáhtalaččabut go uhca jogain, gosa ruoššaluossa lea maid leavvan.

Maiddá ruoššaluosaid bivdin eret ii leat čuolmmaheapme. Jus ruoššaluossa jávkaduvvo mássáid mielde, dat ferte dahkkot nu, ahte dat ii hehte eará goargŋunguliid, dego Atlántta luosa.

Meađđenguolis sáhttá earuhit  
goadjenguoli, go das lea gođđu  
– go lea gođđu, goadjenguollái  
šaddá roaŋkegáibi ja čielgebuggi.



© PANU ORELL

## RUOŠŠALUOSSA SUOMAS

Dasgo ruoššaluosat bohtet Suoma čázadagaide Norgga bealde, norgalaččaid meannudeapmi ruoššaluosa hárrái lea guovddážiis das, man guvlui dilli ovdána Suomas. Norggas ruoššaluossa lea meroštallon vahátlaš vierisšládjan, ja dan jávkadeami várás leat gárgehan beaktillis metodaidd.

Doaimmat eai álot leat lihkostuvvan – ovdamearkka dihtii jagi 2023 buođđobivdu Deanus ii leat bissehan ruoššaluosaid. Dan sadjái buođđu hehttii Atlántta luosa, man nálli lei juo ovdal goargnuma geahnoheapme. Jahkái 2025 Norga pláne odđa buođđofitnu.

## RUOŠŠALUOSA VEJOLAŠVUOĐAT

Suomas láhka ii meroštala ruoššaluosa vahátlaš vierisšládjan. Dan jávkadanbivdui goittotge arvosmahttet olbmuid. Ruoššaluosa oažžu nappo bivdit, ja dat adnojuvvo erenomáš buorre biebmoguollin. Báikkálaš servošiid návccat ruoššaluosa guolásteamis ja jávkadeamis leatge dehálaččat.

Jus ruoššaluossa joatká goargnuma Supmii, ruoššaluosain sáhttá vejolaččat maid geasuhallat guolástanturisttaid, ja jávkadanbivddus sáhttá dáikko bokte oažžut maid ovdduid mátkeealáhussii. Guolástanturisma soaittášii addit barggu báikkálaš servošiidda. Nuppe dáfus páralaš jagiid nálli lea nu unni, ahte dat buktá hástalusaid fitnodatdoaimma ordnemii.